



Broj: 16-09-34-2-3180- /11

Datum: 26.08.2011. godine

Na osnovu člana 49. stav (1) Zakona o policijskim službenicima Bosne i Hercegovine („Službeni glasnik BiH“, br. 27/04, 63/04, 5/06, 33/06, 58/06, 15/08, 63/08 i 35/09), Odluke o potrebi prijema kandidata za pohađanje osnovne obuke - kadeta u Državnoj agenciji za istrage i zaštitu, broj 16-09-34-2-3180-1/11 od 19.07.2011.godine, Odluke o izmjeni Odluke o potrebi izbora kandidata za pohađanje osnovne obuke - kadeta u Državnoj agenciji za istrage i zaštitu, broj 16-09-34-2-3180-4/11 od 16.08.2011. godine, i Rješenja o imenovanju Komisije za izbor kandidata za pohađanje osnovne obuke - kadeta u Državnoj agenciji za istrage i zaštitu, broj 16-09-34-2-3180-5/11 od 18.08.2011.godine i 26.08.2011. godine, Komisija za izbor kandidata, raspisuje

J A V N I O G L A S

za prijem kandidata za pohađanje osnovne obuke – kadeta za čin mlađi inspektor
u Državnoj agenciji za istrage i zaštitu

I

Državna agencija za istrage i zaštitu (SIPA) vrši prijem 44 (četrdesetčetiri) kandidata za pohađanje osnovne obuke - kadeta za čin mlađi inspektor, sa visokom stručnom spremom, odnosno univerzitetskom diplomom i drugom obrazovnom ili akademskom kvalifikacijom u skladu sa bolonjskim sistemom studiranja, kako slijedi:

1. SJEDIŠTE AGENCIJE 12 kandidata:

- a) diplomirani kriminalista (5)
- b) diplomirani pravnik ili diplomirani pravnik unutrašnjih poslova (2)
- c) diplomirani ekonomista (1)
- d) diplomirani inženjer informatike (1)
- e) diplomirani psiholog (1)
- f) profesor engleskog jezika (1)
- g) kandidat sa visokom stručnom spremom, odnosno univerzitetskom diplomom ili drugom obrazovnom ili akademskom kvalifikacijom u skladu sa bolonjskim sistemom studiranja koji nisu obuhvaćeni alinejama od a) do f) (1)

2. REGIONALNI URED BANJA LUKA 8 kandidata:

- a) diplomirani kriminalista (3)
- b) diplomirani pravnik ili diplomirani pravnik unutrašnjih poslova (3)
- c) diplomirani ekonomista (1)
- d) kandidat sa visokom stručnom spremom, odnosno univerzitetskom diplomom ili drugom obrazovnom ili akademskom kvalifikacijom u skladu sa bolonjskim sistemom studiranja koji nisu obuhvaćeni alinejama od a) do c) (1)

3. REGIONALNI URED MOSTAR 9 kandidata:

- a) diplomirani kriminalista (4)
- b) diplomirani pravnik ili diplomirani pravnik unutrašnjih poslova (2)
- c) diplomirani ekonomista (2)
- d) kandidat sa visokom stručnom spremom, odnosno univerzitetskom diplomom ili drugom obrazovnom ili akademskom kvalifikacijom u skladu sa bolonjskim sistemom studiranja koji nisu obuhvaćeni alinejama od a) do c) (1)

4. REGIONALNI URED SARAJEVO 8 kandidata:

- a) diplomirani kriminalista (4)
- b) diplomirani pravnik ili diplomirani pravnik unutrašnjih poslova (2)
- c) diplomirani ekonomista (1)
- d) kandidat sa visokom stručnom spremom, odnosno univerzitetskom diplomom ili drugom obrazovnom ili akademskom kvalifikacijom u skladu sa bolonjskim sistemom studiranja koji nisu obuhvaćeni alinejama od a) do c) (1)

5. REGIONALNI URED TUZLA 7 kandidata:

- a) diplomirani kriminalista (4)
- b) diplomirani pravnik ili diplomirani pravnik unutrašnjih poslova (1)
- c) diplomirani ekonomista (1)
- d) kandidat sa visokom stručnom spremom, odnosno univerzitetskom diplomom ili drugom obrazovnom ili akademskom kvalifikacijom u skladu sa bolonjskim sistemom studiranja koji nisu obuhvaćeni alinejama od a) do c) (1)

II

Kandidati koji se prijavljuju na Javni oglas moraju ispunjavati sljedeće opće i posebne uslove:

Opći uslovi:

- a) državljanstvo BiH,
- b) životna dob između 18 i 35 godina,
- c) zdravstvena sposobnost potvrđena ljekarskim uvjerenjem kojim se potvrđuje da je kandidat zdrav, te psihofizički sposoban za rad na poslovima policijskog službenika,
- d) da nije otpušten iz institucija državne uprave ili iz vojne službe u BiH kao rezultat disciplinske sankcije,
- e) da protiv kandidata nije pokrenut krivični postupak i da nije izrečena pravosnažna kazna zatvora za krivično djelo, osim za krivična djela protiv sigurnosti saobraćaja, u skladu s krivičnim zakonodavstvom,
- f) da se nije odbio pojaviti pred Međunarodnim krivičnim tribunalom za bivšu Jugoslaviju kao osoba koju je optužio taj tribunal.

Posebni uslovi:

- a) da ima položen vozački ispit «B» kategorije,
- b) da posjeduje visoku stručnu spremu, odnosno završen prvi ciklus studija po bolonjskom programu školovanja koji se vrednuje sa najmanje 180 ECTS bodova,
- c) da poznaje jedan strani jezik,
- d) da poznaje rad na računaru (operativni sistem “Windows” i “Office”).

III

Uz prijavu na Oglas kandidati su dužni dostaviti sljedeću dokumentaciju (ovjerene fotokopije):

- 1) uvjerenje o državljanstvu (ne starije od 6 mjeseci),
- 2) izvod iz matične knjige rođenih,
- 3) fakultetska diploma (nostrificirana diploma ukoliko fakultet nije završen u Bosni i Hercegovini ili je diploma stečena u nekoj drugoj državi nakon 06.04.1992. godine), a kandidati koji su visoko obrazovanje stekli po bolonjskom procesu uz fakultetsku diplomu i dodatak diplomi,
- 4) uvjerenje ili potvrda o poznavanju jednog stranog jezika i rada na računaru,
- 5) uvjerenje da se protiv kandidata ne vodi krivični postupak (ne starije od 3 mjeseca),
- 6) ličnu kartu,
- 7) vozačku dozvolu,
- 8) potvrdu o vremenskom periodu provedenom na školovanju i potvrdu o prosjeku postignutih ocjena za vrijeme školovanja,
- 9) dokaz o reguliranoj zdravstvenoj zaštiti (zdravstvena knjižica ili potvrda Zavoda za zapošljavanje),

IV

Prijava na Oglas se podnosi na posebnom obrascu koji se može preuzeti u sjedištu Agencije ili regionalnim uredima, a ista se predaje neposredno u Pisarnicu Državne agencije za istrage i zaštitu ili dostavlja putem pošte na adresu:

Državna agencija za istrage i zaštitu,
ul. Nikole Tesle 59, 71123 Istočno Sarajevo,
sa naznakom „Prijava na Javni oglas za prijem kandidata za pohađanje osnovne obuke
- kadeta za čin mlađi inspektor u Državnoj agenciji za istrage i zaštitu“

Rok za predaju prijava je 30 dana od dana objavljivanja Javnog oglasa u dnevnoj štampi.

- Odabir kandidata za kadete Državne agencije za istrage i zaštitu provest će se u skladu sa Zakonom o policijskim službenicima Bosne i Hercegovine, Odlukom o načinu i programu testiranja kandidata u procesu odabira policijskih službenika i Odlukom o metodi, načinu i sistemu bodovanja testiranja kandidata za polaznike Policijske akademije - kadeta u Državnoj agenciji za istrage i zaštitu.

- Samo kandidati koji ispunjavaju opće i posebne uslove i koji su dostavili svu traženu dokumentaciju imaju pravo pristupiti testiranju. Testiranje uključuje: test općeg znanja (pismeni test i intervju), test fizičke sposobnosti, psihološki pregled (uključujući test i intervju), test znanja stranih jezika i rada na računaru.
- U toku procesa odabira kandidati će biti kontaktirani i informirani pismeno ili putem službene internet stranice Agencije, a sve dodatne informacije mogu se dobiti pozivom na broj tel. 057/326-325.
- Nakon uspješno završene osnovne obuke kadeti se primaju na probni rad u organizacione jedinice Državne agencije za istrage i zaštitu u trajanju od 12 mjeseci i raspoređuju na radno mjesto policijskog službenika u činu „mlađi inspektor“.
- Kadet koji dobrovoljno napusti pohađanje osnovne obuke ili svojom krivicom bude izbačen sa obuke, dužan je nadoknaditi srazmjerne troškove obuke.
- U skladu sa članom 4. Zakona o policijskim službenicima Bosne i Hercegovine, struktura zaposlenih u Državnoj agenciji za istrage i zaštitu treba da okvirno odražava nacionalnu strukturu stanovništva BiH prema popisu stanovništva iz 1991. godine.
- Kandidatima koji ne budu izabrani dokumentacija se neće vraćati.
- Nepotpune, neblagovremene i neuredne prijave, kao i prijave sa neovjerenom dokumentacijom, neće se uzimati u razmatranje.
- Konačna Lista izabranih kandidata bit će objavljena na oglasnim pločama u sjedištu Agencije i u regionalnim uredima, kao i na službenoj internet stranici Agencije.

PREDSJEDNIK KOMISIJE

Mirza Lišinović